

ME HYE ASE WO NYANKOPON NE DZIN MU, JDOMFO, MBGBORHUNFO NO.

Fida Nyamesemka: Eboɔw 1, 2013

(Friday sermon – 1<sup>st</sup> March, 2013 – Fante Translation)

**MUSLIM SINTO NA ISLAM NOKWAR NKYEREKYERE A JROKO DO SEISEI YI.**

Hadhrat Khalifatul Masih dze Kuran mu akenkan a odzi do yi hyee ne Nyamesemka no ase.

“Na nkorɔfo no a adze a Nyankopon ahye hon de wonka mbomu no wokabomu, na wosuro hon Ewuradze no na wɔbo hu wo bon nkontaabu ho” (13:22).

De akenkansem yi a woɔ sor ha yi onkyere de yemfa ndzeyee bi ntoatoa do ara nko bi, okyere so de woenya aka abomu no dze otwar de yekodo ara ye na yema otsim. Nokwar agyedzifo a wɔdze nokwardzi edwir no, no onkɔdwen de obeye biribi a otsia Nyankopon N’enyigye. Susu ampaara de onye Nyankopon aka ekuã no dze, onam Nyankopon ne mbrasem ntsi onye ndzeyee bi so nya nkitahodzi a otsena dem ndzeyee yi mu daapem. Iyi ye asenkyeredze ma badwenba na nokwar agyedzifo de dza Nyankopon ahye de wonka nkuã no wɔbeka ekuã. Ono nye de, woma dza Nyankopon ahye de wonka nkuã no, tsim.

Dem Kuran mu asemɔw yi Hadhrat Musleh Maud (Nyankopon Enyi ngye no ho (NNN)) kyeree mu de, dem nkorɔfo a woenya mudzi wo hon setie na Nyankopon ho do yi wonam Nyankopon ne mbrasem do, N’abɔdze ho ma wɔtwetwe korye na ayemuyie ba hon mu. Dem nkorɔfo yi nya mudzi wo setie na Nyamedo mu, osiande wosuro Ono na bon ho atsembu. Wosuro Khashiyat (Nyankopon ho suro) wo hon akoma mu. Buukuu a okyerekyere nsem mu, kyere mu de Khashiyat ye suro bi a obi nya onam ndzepa a wobwer ntsi. Dem yi nna o’eehu mbre osi ma ndzepa yi ye few eso odzi mu. Susu ampaara a obi enya nyimdzii wo biribi ho a onyim de suro a osuro ho no onkɛfa haw anaa adzesee abre no, na onyim de obenya adze a so na odzi mu mapã no, onkɛpe de chwɛr adze no. Nokwar gyedzifo no dze, dem adze yi nye Nyankopon na nnye biribiara bi a. de mbre yeedzi kan akã no, se nokwar gyedzifo no nya Nyankopon ho nkitahodzi a, oben Nyankopon N’abɔdze na odwen Khashiyat na Nyankopon N’ebufuw ho na omfom. Ampaara dem na woɔ de nokwar gyedzifo no nya atsenka. Onkotum egyina Nyankopon N’ebufuw no ano. Nokwar de, obi a onnyi gyedzi papa biara mpo nya dem atsenka yi.

Nhwe, yehu de nkorɔfo a wokenkan Kuran a wokyere ase ko kasa bi mu, kyere Nyankopon ho suro. Wompe de woka hon a wɔtwetwe Nyankopon N’ebufuw ama hon ho no ho, eso wompe de woye ndzepa. Wombo mɔdzen de wobenya nkitahodzi pa. Dem ndzeyee a onntwa mfa dza oye ho yi yehu no wo Muslimfo dodowara ho. Yennkotum aka no pɛpɛpe de Ahmadiyyafo dzi mu mapã wo dem su yi a okyere de woye nokwar gyedzifo yi. Hadhrat Khalifatul Masih kaã de ope de ne kasae no twafa su kor per a ofa no muslimfo nyinara ho a Nyankopon akyere mu pefee. Su bi wo Muslimfo a wokyere mu de “Woye

botoo wɔ hɔnara hɔn mu” (48:30). Nyankopɔn abɔ iyi enyikam de ɔye asenkyeredze ma nokwar agyedzifo, mbom Ulema (Nyamesem mu banodzifo) ɔnye muslimfo amanaman hɔn ahwɛdɔfo no akã dem dwumason yi ahye wɔ Islam dzin mu. Nnye Muslim ɔman kortsee na dem ndzeyee yi rokɔ do; apetse Muslim amanaman dodowara mu. Aman binom mu dze ye dzen dodow sen binom. Iyi ne siantsir nye de amamfo wɔ pe wɔ ahonyafɔ no mu na wɔpe de wonya mbɔdzenbɔ dzendzeendzen Nyankopɔn N’enyimpa mu.

Hwe dza orisi wɔ Pakistan man mu. Nkorɔfo pii na wokumkum hɔn adzekyee na adzesaa. Se yedze ekumkum dodow no kã ho a nyimpa mpempem mpempem na wɔahwer hɔn nkwa. Iyi wɔka wɔ dawurbɔ krataa mu. Se yedze iyi to nkyen a nyimpa pii na wɔnam ewudzi ɔtopae do kumkum hɔn. iynom nyinara wɔbɔ Nyame ne dzin dze ye. Wɔbɔ Kuran nsentsia ebien bi dze fua hɔn ndzeyee no ekwir de: “wɔye botoo wɔ hɔnara hɔn mu” na wɔka so de: muslimfo gyina pintsiiin tsia hɔn a wɔnnye agyedzifo. Ulemafo dwen de wobotum aye obiara de ɔnnye gyedzinyi (Kafir) na wɔaye dza wɔpe biara etsia hɔn a ɔye de wɔama hɔn tum krataa de wondzi dem dwuma no. nkorɔfo a wɔhye mbra a ɔdze “Fatwa” tsia dɔm a wɔdwen de wɔnnye agyedzifo no; dem nkorɔfo yi ara so hye Nyankopɔn na No somafo hɔn mbra (Fatwa) ase.

Pakistan man wɔ asomdwee mu osiande ntokwaa nda ɔmanfo ɔnye aban no ntamu. Aman a ntokwaa esi mu no, amanadze akakabenfo reye ewurkadze wɔ hɔ. Muslimfo ridzi muslimfo ewu. Mfatoho bi nye de: Afganistan muslimfo nye muslimfo ridzi akɔ na mfe du a abesen kɔ no wɔahwer akra a ɔbor mpem eduonum. Ewufɔ no dodowara nndzi fɔ wɔ biribiara ho, na amanadze ɔnye Afganistan nsordaafo kumaabi na wɔka ewufɔ no ho. Syriaman mu so, muslimfo ridzi hɔnho akɔ. Se yehwe mu a akra beye mpem eduosoon na wɔahera. Akra mpempem na wɔahera wɔ Egyptman mu wɔ tuatsew dzin mu. Libya so mpempem na worukumkum hɔn na wɔda hoara rukumkum hɔn. ofi afe 2003 bepem nde akra a wɔbor mpem ahaesia na wɔahwer hɔn nkwa, topae a wɔdze kumkum hɔnho ma ɔsaã mba rokɔ do wɔ hɔ seisiara. Nkra a ogudo reba kyere de amanadze amanaman hye Muslim aman tsipia wɔ dem ewurkadze iynom ho. Mfatoho bi nye de nda ebien a etwa mu no, Europe Aborɔkyirman bi dze akodze remema a Saudi Arabia rotwe dze kema etsiafo wɔ Syria.

Dem akofo yi dze ndzeyee dzendzeendzen ahye hɔn mu ntsi se tum bekitsa hɔn a wɔbeka amamfo ahye ma ase wiadze asomdwee wɔ ber a wɔdze ndabraba gyedzi rekyere de “wɔroko dzendzeendzen ritsia hɔn a wɔnnye nndzi no”. Dza odzi mu wɔ Islam kwan do nye de wɔbeka ekua na wɔaper asomdwee. Ampaara de, nkye wobotum aye iyi. Se nna Alawis retsetsee binom wɔ Syria a, nde dze mber adan. Se ndaamba wiadze ɔko beba a, ɔbeyhye ase wɔ Boka na nnye Anee bi a de mbre nna ɔtse dadaw no. Muslim amanaman wɔ de wɔtse ase de ndzeyee bɔn nnye. Se wɔdze Kuran mu mbra a odzi do rokɔ nyee mu a nkye ndzamba beye femm: “Ampaara de agyedzifo nyinara ye enuanom. Ntsi hom nsiesie anuanom ntamu, na hom nsuro Allah ama Nyankopɔn ehu hom mbɔbɔr” (49:11). Muslimfo

wɔ dɛ nkyɛ wɔfa Nyame suro “Taqwa” ama woenya ehumbɔɔɔr ayɛnkoyɛ na atsenka wɔ “hɔn ho botooyɛ mu”; nkyɛ wobɛnya Nyankopɔn N’ehumbɛɔɔr no so. Kuran asɛmpɔw yi a Nyankopɔn hyɛ muslimfo dɛ “hom nnyɛ botoo mma homho” yi wie dɛ “Allah dze bɔnfakye na akatua a ɔso ahyɛ hɔn mu nkorɔfo a wɔgyɛ dzi na wɔyɛ ndwumapa no bɔ. (48:30).

Tsebea a ɔtse dɛm a yɛakyerɛkyerɛ wɔ ha yi a ɔtse dɛ ewudzi na basasbasayɛ yi osi wɔ aman etuatsew sisi hɔ. Yɛbɛfrɛ dɛm tsebea yi ɔko tsebea. Sɛ yɛfrɛ no ɔko tsebea; osiandɛ aman etumfo bi agye enyim abɛgyɛ asetsena wɔ aman no mu dɛ wɔreper asomdwee ama hɔn, mbom wɔtwetwe akokoeko ba hɔ. sɛ nna muslimfo no dze “botooyɛ ma hɔn ho” kɔr nnyɛɛ mu a, ɔkɔ mpo si a nkyɛ wɔdze “hom mma asomdwee mbra hom mu” bedzi dwuma amma aman fofor ammbɛhɛn hɔn mu. Muslim aman a yehu dɛ asomdwee wɔ hɔn mu so, muslimnyi rekum muslimnyi. Sɛ aban no bu banodzifo bi fɔ a, dɛm banodzifo no n’aboafɔ hyɛ mpemdo dzi ekumkum ekumkum. Islam bɛn nye iyi? Ewurkasɛm na adzesɛɛ soɛr gyina wɔ Muslim aman mu anaaso Muslimfo dze Islam dzin yɛ ndzeyɛɛbɔn pii. Nyankopɔn aka dɛ nokwar gyedzinyi n’asɛnkyerɛdze nye dɛ, ɔnam Nyankopɔn ho nkitahodzi ntsi, ɔno na abɔdze ho nkitahodzi yɛ dzen, nkankan ara dɛ Muslimfo tse dɛ enuanom. ɔyɛ yaw dɛ Islam rotwetwe adwen gyina ndzeyɛɛpa na asomdwee na nsiesie ho no, nna Muslimfo ndzebɔnyɛfo wɔrowo hɔn gu mu.

Ekristofo hɔn man mu no, wobu muslimfo dɛ ehɔn na wɔdze basabasayɛ ba. Sɛ yɛkan muslimfo adaduafo wɔ efiadze a ehɔn na hɔn dodow kɔ sor. Ampaara, ɔnam Islam ne prɔɛɛ ntsi nna ɔmaa Anohoba Messiah (ANN) wɔ dɛ ɔba na so ɔbae. Nanso, dɛm nkorɔfo yi wonnhia dɛ ɔbɛba na hɔnara hɔn nkyerɛkyerɛ dɔɔso ma hɔn. Sɛ hɔn nkyerɛkyerɛ no dɔɔso ma hɔn a, ebɛnadze ntsi na Ulema atsetsew ekuwekuw ahorow pii yi? Na ebɛnadze so ntsi na ntamu atoto basabasa yi? Ebɛnadze ntsi na hɔn adwen nhwirom wɔ dza Kuran aka dɛ “na suro hɔn ewuradze na ma bɔn ho nkotaabu mbɔ wo hu” no mmfa mma hɔn ho na wɔmmfa nkyerɛkyerɛ hɔn akadofɔ no. Wonnsuro Ndaamba nkwa na wɔkɔ do ara twa akɔhwi kyere nkorɔfo. Dɛm banodzifo yi hɔn werɛ fir Nkɔnhyɛnyi Krɔnkrɔn (NNN) ne nsem no a otsim hɔ afebɔɔ no. Hɔn werɛ fir asɛm no a ɔdze gyae ne Ummah no. Asɛm no a wɔmmbu na wonnhu mbre osi na ohia no ntsi wɔyɛ bɔn. Toheen e Rasalat (wɔkasa tsia Nkɔnhyɛnyi)

Nkɔnhyɛnyi Krɔnkrɔn (NNN) reka ne Nyamesɛm dze akra no dɔm no ɔkaã dɛ: Dɛ dɛm bosom yi yɛ krɔnkrɔn, dɛm asaase yi a ɔsɛ enyidze na obu yi, ndɛ ahotsewee da yi ntsi Nyankopɔn ayɛ abɔdze nyinara, ahodze na enyimyam a odzi wɔ nyimpa nyinara ahotsewee. Dɛ ebokum nyimpa, ebɛfa n’egyapadze, anaadɛ ebɔko etsia n’enyimyam no ɔmmfa mbramu eso omuo dɛ ebogu dɛm da yi ho fi, dɛm bosom yi ɔnye ɔman yi. O! mo nkorɔfo, ɔnnkɛkyer na hom nye Ewuradze edzi ehya na Obɛbisa dza ɔfa no hom ndwuma ho. Sɛ moko a mma hom nsan hom ekyir nnyɛ dɛ hɔn a wɔnnyɛ agyedzifo ɔno hom bɛhyɛ ase ekumkum hom ho nkorkor. Dza m’aka akyerɛ hom no wɔmma ɔntahye wɔ wiadze nyinara mu, kyerekyere hɔn a wɔanntse no benya ho mfaso pii akyerɛn hɔn a wɔaatse no. ɔkaã ne Nyamesɛm wie no

obisaa de Nyankopon N'asem no, aka no yie anaa. Hadhrat Abu Bakr (NEN) buaa de ampaara nye demara.

Iyi nye Nkonhyenyi Kronkron (NNN) n'asem no a wiadze muslimfo dze ko nyee mu bepem nda da yi. Ana se woenndzi do ammfa annko nyee mu a nna worenntsiatsia do eso worunngu no ho fi bi? Nkonhyenyi Kronkron (NNN) dze soow do de: Muslimfo nye nyia onam ne nsa na ne tekyerema do muslimfo nya ahosan. Ana abeefor muslimfo ye nsem yi n'ayedze? Wapam Ahmadiyyafo efi Islam mu. Ye ka Kalima eso yeye Nkonhyenyi no n'asomfo wo nokwar akoma mu. Ebenkuw na woehya atsetsee sen Ahmadiyyafo? Mprenu nna hon mu pii wokumkum hon wo Quetta; nkorfo a woka kuw ho a wokyr hon koko. Shia kuw no abeye kuw a, mbra a wodze duu Ahmadiyyafo no wodze rudu hon afei wodze mbra no a wodze duu Ahmadiyyafo no rudu hon so. Dem ayeyedze yi ekuwekuw no dze bedzidzi hon ho nkorkor bio. Hadhrat Khalifatul Masih kyere mu de "wobeye bio" osiande dem na osi daapem. Ahmadiyyafo nkotsee na wobomu ye kor ko tsia hon. Mbom, susu ampaara a wonya akondwo wo dem ewudzi yi ho no na okenyan hon no, woye ma wbor do na iyi na okoko do.

Hadhrat Musleh Maud (NEN) akyer mu de Hadith a aka de Muslimnyi nye nyia ne nsa na ne tekyerema ma muslimfo nkaa no ahotwo no nnye Muslimfo nko na otwa fa hon ho. Nokwar nye yi, akyer de nyia wpe asomdwee biara wode onya ahosan fi muslimnyi ne nsa na ne tekyerema ho. Iyi gyina Taqwa do, mbom Ulema nnyi dem nyansapow yi. Gyede honara hon yesu a wchwehwe no woyi no tokyen na wchwehwe afarbo ho sumsum, ono wmmfa atar kusuu a wchye ho, wonkotum aye agyedzifo nokwarfo. Ndansa yi ara Maulwi sahib bi kaa no wo ne kasaa mu de: Ahmadiyyafo tse de kokram yarba (cancer) a wretserew wo wiadze fenandze nyinara. Ahmadiyyafo nntse dem; nokwar nye de woridzi dwuma a wbeta Islam no nokwar nkyerekyere no betahye wiadze nyinara, na wnam iyi do dze ayarsa ama adasa. Binom bisa siantsir a nsonsonnee da Ahmadiyya na Muslimfo nkaa no ntamu; na yeka kyere hon de hen Islam nye Nkonhyenyi Kronkron (NNN) ne nkyerekyere no, wnye Kuran dze no; Maulwi hon Islam dze, honara wahyehye. Katseankye Nyankopon ebuei Muslim Ummah hon enyiwa na hon akoma mu na W'akyer hon Islam ankasa ankasa no a onam Nkonhyenyi Kronkron (NNN) no somfo do retre wo wiadze yi mu yi.

Hadhrat Khalifatul Masih kaã de yennkotum esi no ewur de mudzi wo hen afa. De yetum dzi dza wahye hen no a wwo Kuran ne nyiyim afa afa ebien no (13:22/49:11). Obiara noara nkakaa na onker n'asetsena mu. Onnyi de yanya adwen bi a nye ndaadaa wo henara hen ho. Mbom hen sintwo wo de osusu na iyi na onyin kесе ma wgye nsamu no. Yedwo pe Nyankopon Ne bonfakye na nhyira, mbom yennhu mbre yenssi mfa binom hon bon nkye hon. Se yanya wdo ma binom a nkye nsem a wbeta Qadha Board enyim no yebotum esiesie. Nyankopon aka wo Kuran Kronkron mu de: Ana hom mpe de Nyankopon dze hom bon bekye hom? Na Nyankopon ye Bonfakyefo, Mboborhufo mapa (24:23).

Anohoba Messiah (ANN) no kasae faa iyi ho de: Hom mfa nkorofu hon bon nkye hon na wonhu hon mbobor wo hon mfomdo na ndzeyee a ommfata ho. Ana nnkere de Nyankopon dze wo bon kye wo na Ohu wo mbobor wo wo mfomdo nyinara ho? Na Dye Bonfakyefo, Mboborhufo. Obiara nnyi ho a onkere de Nyankopon dze no bon kye no. Obiara a ogye Nyankopon dzi no ope de wodze no bon kye no. Nyankopon ka de se dem na epe dza nna owo de inya bonfakye ho sunsum a ema ehumbobor nyin na otre ko mudzi mu.

Afei Hadhrat Khalifatul Masih kasae faa hadith pii ho a odaa no edzi yie.

Anas bin Malik ka de Nkonhyenyi Kronkron (NNN) kaa de: Obiara a ope de wotre ne ndzamba mu no, onyin kyer no na nkorofu ka nsempa wo no ho omma 'ebusuafo nkitahodzi ntsim.

Amr bin Shuaib nam ne Papa na ne Nana do ka de Nkonhyenyi Kronkron (NNN) kaa de: Nyia onnhu mbofra mbobor na ommbu mpanyin hon enyimyam no onka hen ho.

Abdullah bin Masood ka de Nkonhyenyi Kronkron (NNN) kaa de: Abodze nyinara ye Nyankopon N'ebusua na Nyankopon do hon a woka N'abodze ho no a wowe hon ebusuafo yie na woye hon ehiadze ma hon.

Abdullah bin Amr ka de Nkonhyenyi Kronkron (NNN) kaa de: Nyankopon Odomfo no bohu hon a wokyere ehumbobor no. hon a wowa wiadze yi mu no hu mbobor. Nyankopon owo sor no bohu wo mbobor.

Hadhrat Jabir ka de Nkonhyenyi Kronkron (NNN) kaa de: Nyankopon dze hon a wowa ndzamba ebiasa bi boko Ne banbo na ehumbobor na oaman Paradise (sor aheman) ho kwan. Nyia ohua bobofo mbobor, Nyai odo ne Na na n'egya, na Nyia owe n'asomfo yie.

Hadhrat Aishah (NEN) ka de Nkonhyenyi Kronkron (NNN) kaa de Nyankopon ye botoo na odo botooye. Na Oma adzekyedze wo botooye ho na omma etsimoden ho akotua na omma adekyedze wo ndeyee pa ho nkyen botooye ho.

Hadhrat Aisha (NEN) ka da Nkonhyenyi Kronkron (NNN) kaa de: Se botooye ka biribiara ho a oma no ye few na se woyi botooye fi biribi mu a, oto sin.

Ibn Masood ka de Nkonhyenyi (NNN) kaa de: Ana mma mennkyere hom nyia wobotwe no efi ogya no ho? Onye obi a owo ahobrase a oma no ho kwan ma nkorofu ba n'nyen, na oye ayemuyie na n'asem nnye dzen.

Hadhrat Khalifatul Masih kaa de mepa de metwe Jama'at mu banodzifo no hon adwen gyina suban a m'akyer no siesiara yi wo Hadith mu no. Owo de banodzinyi biara nya dem suban yi wo no mu, mpo owo de Ahmadiyyanyi biara so nya dem suban a otse dem yi bi. Mma asor yi mu banodzinyi nnya ahomtsew wo obiara a otaa ba hon nkyen rehwehwe biribi efi hon ho, mbom wongye hon awaawaa etuu, na wokyere subanpa nkyere hon na mma wannyi hon tokyen. Hom nhye no nsew de mma edwumayenyi biara nnyi subanpa akwa wo gyinabew biara mu a obema obi enya no ho asembon ketsekete bi aka. Mbom womboboden de wobotum asom hon na wonye hon akasa wo abodwee kwan do de mbre ofata.

Hadhrat Abu Huraira ka de Nkonhyenyi Kronkron (NNN) kaa de: Sika a wodze kye no mma no do ntsew, Nyankopon Kron nya odze bon kye, na enyinguase nnyi ho mma nya odze bon kye.

Hadhrat Anas ka de Nkonhyenyi Kronkron (NNN) kaa de: mma hom nnya obi ho tsirmu pow, mma hom enyi mber obi, na mma hom nnyi homho hom ho akwa wo ebufuw do. Mbom hom ntsena de Nyame ne mba wo onua do mu. Ommfata de muslimnyi nye ne nua beye akaw ma odur nda ebiasa a onye no nnkasa.

Hadhrat Abu Huraira ka de Nkonhyenyi Kronkron (NNN) kaa de: mma hom nnya enyitan mma hom ho, mma hom ntoto ndzamba bo mu a obema binom abobokaw wo hon aguadzi mu. Mma hom nntwitwa hom ho hom ho anantsir. Mma muslimnyi nhye ne nua muslimnyi no do wo kwan bon do, mma onnbu no enyimtsia anaa onngu n'enyim ase, anaa ommbu no tootooba. Na odze ne nsa kyere n'akoko do na oka de Taqwa (Nyame suro) wo ha. Iyi oka no mpen ebiasa. Oye bon kese de muslimnyi bobu no nua muslimnyi enyimtsia. Hom nkwa, hom egyapadze nye hom enyimyam ye ekyiwadze ma hom.

Hadhrat Abu Huraira ka de Nkonhyenyi Kronkron kaa de: Atsebuada no Nyankopon beka de, hom mu nkorfo ben na wodwo hon ho hon ho wo M'enyimyam nye Me kesseye ntsi. Nda da yi a owin nnyi beebiara yi, Me bema hon owin wo Me win kese no ase, wo Me adoye ntsi.

Huzur bow mpae de yebenya odwo na korye wo hen ntamu na yeaye kuw a Anohoba Messiah (ANN) pee de obetsew wo Nkonhyenyi Kronkron (NNN) no nkyerekyere kwan do, na ama Ahmadiyya kuw no aye kuw a wobowo asomdwee ho ban na wama asomdwee ho enyidado. Ma muslimfo nyinara ngye Anohoba Messiah (ANN) nto mu na wohu no bo a osom ama woonya odwo soronko ama hon ho hon ho. Ma muslimfo nyinara nhyedo a wodze rehye adasamba do, na wonya tsema na perperye mma nkorfo, na mbom wonnkeye nkorfo a wodan hon a wowa tum wo oman no mu. Yesre de Nyankopon begye adasamba afi nkorfo a woye oyetrado wo biribiara mu no nsamu, tsitsiriw muslimfo, na oma Muslim amanaman ntum ntserew Islam ne nkyerekyere fefew no wo wiadze fenandze nyinara wo kwan pa do. Nyankopon mma oye ho daa.

Huzur bow efunsi asor ho dawur de, akyerbaa Nasira Saleema Raza sahiba a owo Zion, USA. Ofii mu wo Kwakwar bosoom ne da a otodo du awotwe (18<sup>th</sup> Febuary, 2013). Na oye Afro American nna ne awofu ye Baptist asormba, na onora dze woenya enyidze wo Kristosom mu. Wo woo no wo afe 1927. Obeyee Ahmadiyya wo afe 1949 na oware Nasir Ali Raza wo afe 1951. Osoom Jama'at yi mber pii na obeyee Lajna oguamu tsenanyi (LajnaPresident) wo mpen pii. Nna owo enyigye wo Tabligh ho ara yie na mpen pii na odze nkrataa nye nwoma ahorow na Kuran koo adzesuabea (library). Onam ne Nyamesemka mbodzenbo ntsi nyimpa beye eduonu (50) beyee Ahmadiyya. Nna ope serew na iyi maa nkorfo pii hon enyi gyee no ho tsitsiriw hon a nna woba ne nkyen no. na wofaa no de hon maame. Okyeree n'odo kese wo Islam ho, okyeree mbasiamba pii de mbre woye "purda"

(ahato) na mbre wodzi Islam nkyerɛkyerɛ do. Na kwan a wɔfa do yi aburokyir amandze bon no akwa. Ɔkɔɔ do ara kaa Nyamesɛm kyerɛɛ ne maame kɔpem de ɔbeyɛɛ Ahmadiyyanyi wɔ aber a nna woedzi mfe eduowɔtwe enum (85) na ɔyɛɛ no enyigye pii. Nasira Saleema ye obi a nna ɔyɛ edwumadzen ma asɔr yi na onyaa dɔ kese maa Khilafat na Jama'at yi. Ɔnye Khalifa dzii ahyia mfeɔa. Yesre de Nyankopɔn nkrɔn ne gɛnabew wɔ sor aheman mu. Ogyaa mba akron na mba nana eduonu biako. Ma wonya asetsena pa na wonya hon nana n'mpaebɔ ho mfaso.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Rasheed Possible Essuman Sahib  
(First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)